

## 2015-imi innuttaasut ilinniagaqarnerisa nalunaarsuutaat

### Kisitsisitigut paasissutissat siunertaat

Saqqummersitaq una innuttaasut ilinniagaqarnerisa qaffasissusaannik naatsorsuineruvoq. Innuttaasut ilinniagaqarnerisa qaffasissusaat aammalu ilinniagaasa ineriartornerat kisitsisitigut paasissutissat atorlugit malinnaaffigineqarsinnaalerput.

Piginnaalersitsisunik ilinniarlutik naammassinnissimasut kisimik innuttaasut ilinniagaqarnerisa nalunaarsuutaanni allannguinnngillat. Nunasisut nunanullu allanut nunasisut akornanni ilinniakkat qaffasissusiinit ilinniagaqarsimassuseq aammattaaq sunnerneqartarpoq, taamatuttaaq inuit toqusut akornanni ilinniakkat qaffasissusaannik sunnerneqartarluni. Nalinginnaasumik inuusunnerusut ilinniarsimassusaat nalunaarsorneqartarpoq. Taamaattumik ilinniakkat qaffariartuaarneri ilaatigut ilinniarsimanerup nalunaarsorneqarsimanerata tamakkiineruleriartorneranik pissuteqarsinnaavoq. (saqqummersitami periaatsimut nassuiaat takuuk).

### Eqikkaaneq

Ukiut ingerlanerini, piffissaq 2002 aallarnerfigalugu, innuttaasut ilinniagaqarnerat tamakkiisumik isigalugu neriunartumik ineriartorpoq.

2015-ip naanerani innuttaasut 16-it sinnerlugit ukioqartut 36,9 pct.-ii meeqqat atuarfiannit ilinniakkamik qaffasinnerusumik ilinniagaqarsimapput. Taakkunani 11,3 pct.-it ingerlaqqiffiusumik ilinniarsimapput kiisalu 25,6 pct.-it ilinniarnertuunngorniarneq, inuussutissarsiummik ilinniarneq imal. qaffassarluni ilinniarneq qaffasinnerpaamik ilinniagaralugu. Ukiut qulit matuma siornanit 2,0 procentpointinik aamma 4,2 procentpointinik amerlanerupput.

Agguaqatigiissinnerini 2015-imi innuttaasut affaannit amerlanerusut 30-niit 40-it aallartilaarlugit ukiullit meeqqat atuarfiannit qaffasinnerusumik ilinniagaqarput. Taakkunannga inuit tallimaagaangata ataaseq ingerlariaqqiffiusumik ilinniagaqarsimasarpoq taamatullu inuit pingasuugaangata ataaseq ilinniarnertuunngorniarni, inuussutissarsiormi ilinniarni imaluunniit qaffassarluni pikkorissarnernik ilinniagaqarsimasarluni.


## Meeqqat atuarfianit qaffasinnerusunik ilinniarnernik naammassinnissimasut

2015-ip naanerani inuit 4.832-t ingerlariaqqiffiusumik qaffasinnerpaatut ilinniagaqarsimapput. Innuttaasut 16-it sinnerlugit ukiulinni procentinngorlugu annertussusaat 11,3 pct.-iuvoq tamanna ukiut qulit ingerlanerini 2 procentpointinik qaffariarneruvoq. Ukiumi pineqartumi inuit katillugit 10.909-t ilinniarnertuunngorniarni, inuussutissarsiornermi ilinniarni imaluunniit qaffassarluni pikkorissarnernik qaffasinnerpaamik ilinniagaqarsimapput. Innuttaasut 16-it sinnerlugit ukiulinni procentinngorlugu annertussusaat 25,6-iuvoq, tamanna ukiut qulit ingerlanerini 4,2 procentpointinik qaffariarneruvoq.

Titartakkaq 1-ip takutippaa agguaqatigiissitsinnermi arnat ingerlariaqqiffiusumik ilinniarsimasut ukiuni kingullerni amerleriarsimasut, 2015-imilu 56,7 pct.-inik annertussuseqarsimasut. Ukiut qulit matuma siorna suaassutsit akornanni naligiimmik agguataarsimapput. Arnat professionsbacheloritut ilinniarsimasut amerlanerit peqqinnissami atugarissaarnermi aammalu ilinniartitsisutut ilinniagaqarsimasarput. Angutit aamma professionsbacheloritut ilinniarsimagaangamik amerlanerit ilinniartitsisutut ilinniarsimasarput. Aammattaaq angutit illuliassanik titartaasartutut illuliortaatsimik aammalu sanaartornermik taamatullu ingeniøritut aammalu teknikkimik ilinniagaqarsimapput, ingerlariaqqiffiusumillu inuussutissarsiornermi ilinniarni sivikinnerusuni, ilaatigut inuussutissarsiornermi allaffissornermilu aamma ilinniarsimallutik.

Ingerlariaqqiffiusumik ilinniarni ilinniarsimasut professionsbacheloritut ilinniarsimasut 2.496-iullutik amerlanerpaapput. Bacheloritut ilinniarsimasut 293-iupput, ukiut qulit ingerlanerini marloriaatinngorsimallutik.

### Titartagaq 1. innuttaasuni meeqqat atuarfiannit qaffasinnerusumik ilinniakkanik naammassinnissimasut ukiup naalernerani naatsorsukkat amerlassusaat, suaassuseq aammalu ukioq malillugit agguaaneri




Nalunaarut: Inniarnertuunngorniarni inuussutissarsiornermilu ilinniarni aamma qaffassarluni ilinniarni ilaapput. Najoqqutaq: Naatsorsueqqissaartarfik – Kisitsisaataasivimmi kiksitsit (<http://bank.stat.gl/UDNISCPROB>).

## 30-44-nik ukiullit amerlanersaat meeqqat atuarfianit qaffasinnernik ilinniarnermik naammassinnissimapput


Ataani titartakkat takutippaat 2005-imi aammalu 2015-imi inuit 16-it sinnerlugit ukiullit ilinniakkani naammassisimasaasa qaffasissusaat, ukiut tulleriaarnerinut agguaallugit.

### Titartagaq 2. 2005-imi innuttaasut ilinniakkani naammassisimasaasa qaffasissusaat



Nalunaarut: Ilinniarnertuunngorniarniluni inuussutissarsiornermilu ilinniarnerni aamma qaffassarluni ilinniarnertit ilaapput. Najoqqutaq: Naatsorsueqqissaartarfik – Kisisaataasivimmi kiksitsit (<http://bank.stat.gl/UDNISCPROC>).

### Titartagaq 3. 2015-imi innuttaasut ilinniakkani naammassisimasaasa qaffasissusaat



Nalunaarut: Ilinniarnertuunngorniarniluni inuussutissarsiornermilu ilinniarnerni aamma qaffassarluni ilinniarnertit ilaapput. Najoqqutaq: Naatsorsueqqissaartarfik – Kisisaataasivimmi kiksitsit (<http://bank.stat.gl/UDNISCPROC>).

Titartakkat takutippaat 2015-imi innuttaasut ilinniagaqarnerisa qaffasissusiisa agguaqatigiissinneri ukiunut qulinut kingullernut naleqqiullugit neriunartumik siuariaateqarsimasut.

Agguaqatigiissinnerini 2015-imi innuttaasut 30-niit 40-t aallartilaarlugit ukiullit amerlanerussutillit meeqqat atuarfiannit qaffasinnerusunik

ilinniagaqarsimapput, ukiullu qulit matuma siornatigut agguaqatigiissinnerini amerlanerussutillit taamaallaat 30-t 34-llu akornanni ukioqarsimallutik.

2015-imi 35-39-nik ukiullit ingerlariaqqiffiusumik ilinniartinnik qaffasinnerpaamik ilinniagaqarsimasut agguaqatigiissillugu annertunerpaamik qaffariaateqarsimapput, ukiut qulit matuma siornamit 8 procentpointinik qaffariarsimallutik.

Ilinniarnertuunngorniarluni imaluunniit inuussutissarsiornermi ilinniarnernik qaffasinnerpaatut ilinniagaqarsimasuni 2015-imi 40-44-nik ukiullit agguaqatigiissillugu annertunerpaamik qaffariaateqarsimapput, ukiut qulit matuma siornamit 14,2 procentpointinik qaffariarsimallutik.

## Innuttaasut ilinniakkani naammassisimasaasa qaffasissusaat

Tabel 1-ip takutippaa Kalaallit Nunaanni innuttaasut 2003-mit 2015-i tikillugu ilinniakkat qaffasissusaannut agguallugit. 2002-mit 2015 tikillugu tamakkiisumik takussutissaq Kisitsisaataasivimmi takuneqarsinnaavoq.


**Tabeli 1. Innuttaasut ilinniarsimassusaat ukiup naalernerani naatsorsukkat, ilinniakkat naammassisimasat qaffasissusaannut aammalu ukiumut agguallugit**

|                                                                                  | 2003   | 2005   | 2007   | 2009   | 2011   | 2013   | 2015   |
|----------------------------------------------------------------------------------|--------|--------|--------|--------|--------|--------|--------|
| <b>Ilinniagaqarsimanngilaq</b> .....                                             | 2.645  | 2.613  | 2.488  | 2.508  | 2.535  | 2.337  | 2.392  |
| <b>Atualinnginnermi</b> .....                                                    | 2.670  | 2.635  | 2.578  | 2.441  | 2.392  | 2.471  | 2.286  |
| <b>Børnehaveklassi</b> .....                                                     | 7.126  | 6.776  | 6.347  | 6.037  | 5.759  | 5.630  | 5.460  |
| <b>Atuarfik appasissumik tunngaviliivik</b> .....                                | 3.116  | 3.101  | 3.003  | 2.773  | 2.673  | 2.413  | 2.393  |
| <b>Atuarfik qaffasissumik tunngaviliivik, Nalinginnaasumik ilinniarneq</b> ..... | 29.381 | 29.296 | 29.344 | 29.312 | 28.941 | 28.319 | 27.575 |
| <b>Ilinniarnertuunngorniarluni ilinniarneq</b> .....                             | 1.107  | 1.156  | 1.252  | 1.398  | 1.684  | 1.890  | 2.129  |
| <b>Suliffeqalernissamut tunngasut ilinniarnert</b> .....                         | 7.194  | 7.448  | 7.533  | 7.817  | 8.101  | 8.340  | 8.492  |
| <b>Nalinginnaasumik qaffassarluni pikkorissarneq</b> .....                       | 47     | 83     | 117    | 161    | 187    | 228    | 285    |
| <b>Inuussutissarsiornermut tunngasumik qaffassarluni pikkorissarneq</b> .....    | 3      | 4      | 4      | 3      | 3      | 3      | 3      |
| <b>Nangitsilluni inuussutissarsiutinik ilinniarneq naatsoq</b> .....             | 706    | 761    | 776    | 815    | 894    | 927    | 969    |
| <b>Bachelor</b> .....                                                            | 121    | 150    | 147    | 160    | 196    | 242    | 293    |
| <b>Professionsbachelor</b> .....                                                 | 2.008  | 2.073  | 2.026  | 2.132  | 2.375  | 2.433  | 2.496  |
| <b>Kandidat</b> .....                                                            | 666    | 763    | 805    | 835    | 940    | 978    | 985    |
| <b>Professionskandidat</b> .....                                                 | 17     | 19     | 20     | 29     | 35     | 41     | 52     |
| <b>Ilisimatuunngorniarnert, Qaffasissumik ilinniarneq</b> .....                  | 19     | 23     | 22     | 31     | 34     | 30     | 37     |
| <b>Tamarmik</b> .....                                                            | 56.826 | 56.901 | 56.462 | 56.452 | 56.749 | 56.282 | 55.847 |

Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROA>).

## Ilinniakkat piginnaasaqalersitsisut

**Titartagaq 4. 2002-mit 2015-imut innuttaasut piginnaasaqalersitsisunik ilinniagaqarsimasut akornanni ilinniakkani sammisat tallimat ilinniarneqarsimanerpaat**



Nalunaarut: Ilinniakkat piginnaasaqalersitsisut tassaapput inuussutissarsiornermi ilinnakkat qummullu.

Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROA>).

Titartakkami 4-mi takutinneqarpoq ilinniakkani sammisat tallimat 2002-mit 2015-imut ineriartorneri, taakkunani piginnaasaqalersitsisunik ilinniagaqartut amerlanersaat inissisimapput. 2002-mit 2015-i tikillugu ukiut tamaasa 65 pct.-inik annertussuseqarput.

Titartakkaq takutippaa neriunartumik siuariartortoqarsimasooq, atugarissaarnermut sammisat annerpaamik qaffariaateqarsimallutik. Tassani isumaginninnermut aamma peqqissaasunut ikiortinngorniarnert aammalu isumaginninnermut siunnersortinngorniarnert amerlanerussuteqarput. Inuussutissarsiornermi aammalu allaffissornermi sammisani ilaatigut akademimerkonomitut aamma serviceøkonomitut aammalu niuernermi allaffimmiutullu ilinniarnert allat nassaassaapput.

## Periaaseq

Saqqummersitaq najoqqutanit pingasunit nalunaarsuutit tunngavigalugit suliarineqarpoq:

- Ilinniartut Ilinniagaqarnersiuteqartitsiviup (USF) ilinniakkanut naammassineqarsimasunut nalunaarsuiffianninngaanneersut
- Qallunaat ilinniartitaanermi isumaginnittoqarfianit Danmark Statistikip ilinniakkanut naammassineqarsimasunut nalunaarsuiffianit – HFFU-p nalunaarsuiffiik taaneqartumit
- 2010 tikillugu kalaallit ilinniarsiutit nalunaarsuutit, USF –imi suleriaaseq avaqqullugu Naatsorsueqqissaartarfimmit aaneqartut – ilinniarsuutit “Non-USF”-inik taaneqartumit

Innuttaasut 17-it sinnerlugit ukiullit tamarmik Naatsorsueqqissaartarfiup ilinniarsimanermut paasissutissaqartinnisai meeqqat atuarfianni 10. klassimik naammassinnissimasutut tunngaveqartumik naatsorsuunneqarput. Ilinniakkat 1980-ikkunneersut aammalu siusinnerusut ilaat ilinniartitaanermut kisitsisitigut paasissutissani ilaatinneqanngillat, inaarutaasumik misilitsinnernut, svenditut allagartanut il.il. paasissutissat amigaaqarmata.

Naatsorsueqqissaartarfiup ilinniartitaanermut kisitsisitigut paasissutissani nalunaarsuutini atuineranut ersarinnerusumik nassuiaat, ilaatigut tatiginassutsimut nalilersuinnermut suleriaatsinut tunngasut nittartakkatsinni [www.stat.gl](http://www.stat.gl) –imi nassaarineqarsinnaapput. Innuttaasut ilinniagaqarnersa nalunaarsuutaannut saqqummersitaq nutaanerpaaq tooruk tamatumalu kingorna Periaaseq. Pineqartoq ”Metode til HFUsdata.pdf”-imik ateqarpoq.

## ISCED2011

Nunarsuarmi sumiiffinni siullerpaat ilaanniilluni massakkut Kalaallit Nunaat UNESCO’p ISCED2011-mut malittarisassaa malillugu ilinniartitaanermut naatsorsuusiorsinnaalerpoq. Ineriartortitsinnermut suleqatigiinnerup Naatsorsueqqissaartarfimmit aammalu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmit peqataaffigineqartup tamanna pinnaatippaa.

## Uuttuutit taaguutaat

Naatsorsueqqissaartarfik ilinniartitaanermi uuttuutitut taaguutini ilinniakkat suut ilinniarsuutit pineqartuni imaluunniit ISCED2011-imi immikkoortitersimasuni takuneqarsinnaalersillugit saqqummersitsisimavoq. Uuttuutit taaguutaat Excel-regnearkiuvoq aammalu [www.stat.gl](http://www.stat.gl) – imi Ilinniartitaanerup ataani nassaarineqarsinnaalluni. Saqqummersitaq kingullerpaaq tooruk kingornalu Periaaseq. Regnearki ”Nomenklatur med ISCED2011 FEB2015.Xlsx”- imik ateqarpoq.

Uuttuutit taaguutaat aamma immikkoortiterinerit tulleriaarnerinik naleqquttunik imaqarpoq.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Eventuel henvendelse

Maria Knudsen

E-mail: [MAKN@stat.gl](mailto:MAKN@stat.gl)

Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

